

Kayëte mba Yud Wade yehëhna hnë inji kayëte

Yud aheryu Yesu, do gë Sak, herëk anji kayëte. Ñadëho kerëhnëhni vile hwëtahnëk ðuniŷa va kamënaŷehnehni soŷe ipëh dëw hni nte mbankëni ŋa. Bare apecehnëka nësëhnëhni soŷe vëharanŷ wamër va vële rënkëf vacery sali hna. Vëharanŷ wamër va wok vëlënëndëfilahna Wënu ŋa. Yud nësëd soŷe rac gë wëdahëse wayaŷah waŷë vikerëh vicër hna. Puhnad g'inira vële hwëtahnëk va gante tëfëka kahnëndani hn'ikwëtahn do gante tëfëka ntini paŷ gë vahnë vërac.

Wëlin wanës wakwëhn nafa hn'inji kayëte: vëharanŷ wamër, dahëse, kitinŷ, vële wok vëlënënelahna Wën.

Wëlin gante nke kayëte ka:

Simpaŷi (1-2)

Vëharanŷ wamër va (3-16)

Uhnira vële hwëtahnëk va (17-23)

Dëwara (24-25)

Simpaŷi

¹ Ami, Yud, aryokuŷëhn Yesu Këris, aheryu Sak[☆], herëhnëdëhëhni aki vële macëk Wënu ŋa Rëm ŷa. Anahnëku do kwëtirun soŷe Yesu Këris.

☆ **1:1 1.1:** Matiye 13.55; Marëk 6.3

² Arabi ipërëna ña, yam ÿa, do gë inahn ña nkwënaŵu.

Vëharan wamër va rëk kitiñini

³ Vëÿahnik mën, ñadëfuho ðus herëhnu soñe ipëh inte vankinëk. Bare doliÿi tëkatëbu afo herëhnu inë haŵary soñe hamëhnaÿehnu uŵët soñe ikwëtahn inte njëðakëhni Wënu ña soñe kantëm fop vële hwëtahnëk va.

⁴ Kerëhnëðëmu kabi ankeni vahnë vële wok vëlenënëlahna Wën, vële yëbaku, hara yëtëluhna. Acahëtëðëni ipërëna Wën fu ña soñe catënahneni ndakëntal meh dëŵ hni. Njahëtaniha asankaf do Ahwëhn fu ryamboli, Yesu Këris. Mbiÿëk ga kerik hnë Vikerëh hna gante kitiñëðëhëhni Wën ka.

⁵ Andënkwëtehnëðëmu, mama njëtahnërun wante ÿadëfu hnësu ñi, Ahwëhn a pehëtëkëhni bulunda Isërayel nkal Esipët hna, bare, ge ndëcëk umë, vële wëÿëk kwëtahnëni va fagant lëŵ hni, mbëvehnëkëhni.✧

⁶ Dënkwëtaryinëhni wamëleka wante nkok gena gwër ucankaf nte njëðakëhni Wën ña do ravëtak dëð dëŵ hni ña.✧ Wënu ña ñabehnëkëhni gë vankënca soñe kantëm, do kwëtëni hnë mëhwëry mbë gëð hafo fac sankaf kitiñ hna.

⁷ Antë aryënkwu fëna Sodom gë Gomor gë vankol vante hwërëkëhni va vante yëðëhna had wamëleka watac hnë ndakëntal meh ntëŵ hni do yëkëlehnëko ndakëni gë vële nëmpëlëntik mbahn. Nkeni had dahëse,

✧ 1:5 1.5: Icahn 12.51 ✧ 1:6 1.6: Wapëgwala 6.2

vile rufëdëhëfu bi hak nke horot hwëdëh vë kantëm. ☆

⁸ Vëharan wamër vële ye ÿal hun vi kwëhnani vankeÿa ndampo fo gë vëhni. Hudakery hudëw hni ha liÿehnëdëhëhni vëÿin: tonkënadëni vëhni dënk vimbahn vidëw hni, ñwëÿëdëni ucankaf Ahwëhn ña, do njewëdënihëhni vële ye ambin cëmb hna.

⁹ Wëlakënde Misel, asankaf wamëleka ña, dina rac. Wati le conkëdëniho gë Sintani ÿa soñe mbahn Moyis ña, dëkënalohna njeÿa ki-ñatënda. Aki fo ntehnëkaÿo: «Tavëlehnëmu gë Wënu ña!»

¹⁰ Bare vëÿi vahnë njewëdëni ile nkoni vëÿëtëna, do viÿë vile ntidëni had wulaÿ, ile njetëni kobëri hnagi lëw hni, rac ye ile vëvehnëdëhëhni.

¹¹ Mekëhni! Nkaÿ Kaÿe ☆ tëfëni! Njëdëhnani hnë idënt Balam soñe nuÿahnëni kori. Ambëvëntini kabi ñwëÿëntini had Kore ☆.

¹² Vahnë vërac wëdahëse waÿeh nkeni wante ronkëned watoka wante vankërun gë vële hwëtahnëk va. Atokëntëdëni gë usëfëhnah këm do soñe vëhni fo nahadëni. Nkeni had vëñar vahnënak, bare sël ÿa pitëndëlehnëk vëñar va do tëvëna. Nkeni had vatëh wante wok dëwëdëna, wëlakënde wati lëw hni ÿa tëki, ankëcikhëhni: wahwënta wahi cëmëhni.

¹³ Nkeni had wavonkëlo wënka wov, wante ryehëtëd waronk walëw hni, rac ye vantiyehn vantëw hni vacëfëhnah, nkal li. Nkeni had

☆ **1:7 1:7:** Wapëgwala 19.1-35 ☆ **1:11 1.11:** Wapëgwala 4

☆ **1:11 1.11:** Vaker 16.1-35

wahol wale yasaryēd pēhwētanēhnēk Wēnu ŋa yēwā mēhwēryah dūs soŋe kantēm.

¹⁴ Enok, ale ye ahwēhn mbēd gē vēhi hnē warēm fu hna, pēgw Adam, pēyahņeko kobēri fo waŋi soŋe lēw hni: «Nēparyin! Ahwēhn a njiĵek gē wawuli wawuli wamēleka wafacah,

¹⁵ soŋe kitijahn fop nkal iŋi. Koroteyēhnēdēhēhni fop vahnē vēle wok vēlēnēnēlahna soŋe vantiyehn vantēw hni vante wok kwēhnahna untēnah vante ntini gē untēnah kēm. Koroteyēhnēdēhēhni vēyi vēwen vēle wok vēlēnēnēlahna kabi njewēniha kēm fo. Vēle wēnēk va korotehnēdeni. Koroteyēhnēdēhēhni vēyi vēwen kabi njewēniha.»

¹⁶ Vēyi vahnē rēkēdēni ŋakēñakēndēni; nkeŷēndēni kwēlēkwēl; wabal wameh wadēw hni tēfēdēni; wanēs wakuman fo nēsēdēni do cēkwēdēnihēhni vahnē soŋe nuŷahnēni ile ŋadēni fo.

Uhnira vēle hwētahnēk

¹⁷ Vēyahnik mēn, ge wuhņē ye, dēnkwētaryin wante ntehnēniho kobēri ŋa vēfayik Ahwēhn fu Yesu Kēris va.

¹⁸ Ntēhnēnihu: «Hnē wafac warēkwa li, nkeđēni vahnē vēle ryasēd viyē vēva Wēn va, do tēfēdēni wēbal wadēw hni wante wok dēnēnēna Wēn.»

¹⁹ Vēhni fitēndēlehnēdēhēhni vēle hwētahnēk va. Vinahan vimb nkal kwēhnani; Iyir Wēnu ŋa gena hnē vēhni.

²⁰ Bare wuhņē, vēyahnik mēn, yēryeryin uwām hun wā hnē ikwētahn hun pacah dūs hna. Yēfaryin gē fanka Iyir Ipacah ŋa.

²¹ Goryin kwëlëkwël hnë inahn Wën hna, këbënyarin ahnuÿahnu ipërëna Ahwëhn fu ÿa Yesu Këris le yiryeryëdëhëfu g'uwám ule wok pudîna.

²² Kaÿëhnahnëryiÿu gë vële nkok yaÿëna ikwëtahn va;

²³ pehëtëryinëhni vëÿëntaÿ va gë dabët hnë hwëdëh; soÿe vëÿëntaÿ va, kaÿëhnanëryiÿu gë vëhni, ßare diyaryin wajira gë ntakah: ha, hafo ahehawu viÿi vilëÿ hni va vile tonkënek wameh wadëÿ hni ña.

Dëwara

²⁴⁻²⁵ Cëmbënëfuna Wën ryamboli, ale fehëtëdëhëfu gë fere Yesu Këris, Ahwëhn fu ÿa! Kod nti antë aÿoÿu, do antë ahwëhnawu ile nirahnëdërun, tufahnu g'uhnatah fëßah, haryënkwa lëÿu hnë icëmb ntëÿu hna. Icëmb ña, icamah ña, inawÿ ña do ucankaf ña, umë hwëhnëk ani gë wapëgwala, gaki do kantëm! Amina!

Wamey
Wamey: Vikerëh Vikasëk Wën gë Wapëgwala (New Testament+)

copyright © 2018 Wycliffe Bible Translators, Inc.

Language: Wamey

Contributor: Wycliffe Bible Translators, Inc.

All rights reserved.

2025-04-30

PDF generated using Haiola and XeLaTeX on 30 Apr 2025 from source files dated 1 May 2025
f961026b-f72f-5bd7-9f75-efa7f932577e